

ТРОПАРИ, КОНДАКИ, МОЛИТВЫ И ВЕЛИЧАНИЯ ИЗБРАННЫЕ

по алфавиту

(Даты указаны по старому и новому стилю.)

ОГЛАВЛЕНИЕ

Господу Богу и Спасу нашему Иисусу Христу:	3
Начало Индикта. Церковное новолетие	3
Нерукотворенного Образа Господа Иисуса Христа	3
Обрезание Господне	4
Пресвятой Владычице нашей Богородице и Приснодеве Марии:	5
Пред Владимирской иконой	5
Пред иконой «Всех скорбящих Радость»	5
Пред иконой «Державная»	6
Пред иконой «Живоносный источник»	6
Пред иконой «Знамение»	7
Пред Иверской иконой	7
Пред Казанской иконой	8
Покров Пресвятой Богородицы	8
Пред Почаевской иконой	9
Пред иконой «Скоропослушница»	9
Пред Смоленской иконой	10
Пред иконой «Утоли моя печали»	10
Святым угодникам Божиим:	11
Святому благоверному князю Александру Невскому	11
Преподобному Амвросию Оптинскому	12
Апостолу Андрею Первозванному	12
Святителям Василию Великому, Григорию Богослову и Иоанну Златоустому	13
Святому равноапостольному князю Владимиру	13
Всем святым	14
Всем святым, в земли Российской просиявшим	14
Великомученику Георгию Победоносцу	15

Пророку Божию Или	15
Апостолу и евангелисту Иоанну Богослову	15
Пророку, Предтече и Крестителю Господню Иоанну:	16
Рождество Иоанна Предтечи	16
Усекновение главы Иоанна Предтечи	16
Святому праведному Иоанну Кронштадтскому	17
Святым равноапостольным Константину и Елене	17
Святой блаженной Ксении Петербургской	18
Святым равноапостольным Мефодию и Кириллу	18
Собор Архистратига Михаила и прочих Небесных Сил бесплотных	19
Воспоминание чуда Архистратига Михаила в Хонех	19
Святителю Николаю, архиепископу Мир Ликийских	20
Святым царственным страстотерпцам	21
Собору новомучеников и исповедников Российских	21
Священномученику Российскому	22
Святой равноапостольной княгине Ольге	23
Великомученику и целителю Пантелеимону	24
Святым первоверховным апостолам Петру и Павлу	24
Святителям Московским	25
Преподобному Серафиму Саровскому	25
Преподобному Сергию Радонежскому	26

Господу Богу и Спасу нашему Иисусу Христу

Начало Индикта. Церковное новолетие

1/14 сентября.

Тропарь, глас 2-й

Всея тв́ари Содéтелю, временá и лéта во Своéй влáсти положívый, благословí венéц лéта блáгости Твоея, Гóсподи, сохраняя в мíре лю́ди и град Твой, моли́твами Богорóдицы, и спасí ны.

Кондак, глас 2-й

В Вы́шних живы́й, Христé Царю́, всех вíдимых и невíдимых Твóрче и Зиждíтелю, Иже дни и нóщи, временá и лéта сотворívый, благословí ны́не венéц лéта, соблюди́ и сохрани́ в мíре град и лю́ди Твоя́, Многомíлостиве.

Нерукотворенного Образа Господа Иисуса Христа

16/29 августа.

Тропарь, глас 2-й

Пречíстому Твоему́ образу поклоня́емся, Благи́й, прося́ще прощéния прегрешéний нáших, Христé Бóже: волею бо благоволи́л еси́ плóтию взы́ти на Крест, да избáвиши я́же создáл еси́ от рабóты вра́жия. Тем благодарственнó вопи́ем Ти: рáдости испóлнил еси́ вся, Спáсе наш, пришéдый спасти́ мир.

Кондак, глас 2-й

Неизречéннаго и Божéственнаго Твоегó к челове́ком смотре́ния, неопíсанное Сло́во О́тчее, и о́браз непíсанный, и богопíсанный победíтелен, вéдуще нелóжнаго Твоегó воплощéния, почита́ем тогó лобыза́юще.

Величание

Велича́ем Тя, Живода́вче Христé, и почита́ем пречíстаго лица́ Твоегó преслáвное воображéние.

Другое величание

Велича́ем Тя, Живода́вче Христé, и чтим о́браз Твой святы́й, íмже нас спасл еси́ от рабóты вра́жия.

Обрезание Господне**1/14 января.****Тропарь, глас 1-й**

На Престоле огнезрачнем в Вышних седяй со Отцем Безначальным и Божественным Твоим Духом, благоволил еси родитися на земли от Отроковицы Неискусомужныя Твоея Матере, Иисусе: сего ради и обрезан был еси, яко человек осмодневный. Слава всеблагому Твоему совету, слава смотрению Твоему, слава снизхождению Твоему, еди́не Человеколю́бче.

Кондак, глас 3-й

Всех Господь обрезание терпит, и человеческая прегрешения яко Благ обрезует, даёт спасение днесь миру. Радуется же в Вышних и Создателев иерарх и светоносный божественный тайнник Христов Василий.

Величание

Величаем Тя, Живодавче Христе, и почитаем пречистыя плоти Твоея законное обрезание.

Пресвятой Владычице нашей Богородице
и Приснодеве Марии

Величание

Достойно есть величати Тя, Богородице, честнейшую Херувим, и славнейшую без сравнения Серафим.

Величание Божией Матери во все праздники в честь Ее икон

Величаем Тя, Пресвятая Дево, Богоизбранная Отроковице, и чтим образ Твой святой, яже точиши исцеления всем с верою притекающим.

Пред Владимирской иконой Божией Матери

21 мая / 3 июня, 23 июня / 6 июля и 26 августа / 8 сентября.

Тропарь, глас 4-й

Днесь светло красуется славнейший град Москва, яко зарю солнечную восприемши, Владычице, чудотворную Твою икону, к нейже ныне мы притекающе, и молящися Тебе, взываем сице: о пречудная Владычице Богородице! молися из Тебе воплощенному Христу Богу нашему, да избавит град сей, и вся грады и страны христианския невредимы от всех навет вражиих, и спасет души наша, яко Милосерд.

Кондак, глас 8-й

Взбранной Воеводе победительная, яко избавльшися от злых пришествием Твоего честного образа, Владычице Богородице, светло сотворяем празднество сретения Твоего, и обычно зовем Ти: радуйся, Невесто Неневестная.

Пред иконой Божией Матери «Всех скорбящих Радость»

24 октября / 6 ноября.

Тропарь, глас 4-й

К Богородице прилежно ныне притецем, грешнии и смиреннии, и припадём, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи: Тя бо и едину надежду имамы.

Другой тропарь, глас 4-й

Не умолчим никогда, Богородице, силы Твоя глаголати недостойнии: аще бо Ты не бы предстояла молящи, кто бы нас избавил от толиких бед, кто же бы сохранил доныне свободны? Не отступим, Владычице, от Тебе: Твоя бо рабы спасаеши присно от всяких лютых.

Стихира, глас 2-й,

которая поется на молебне вместо тропаря

Всех скорбящих Радосте, и обидимых Заступнице, и алчущих Питательнице, странных утешение, обуреваемых пристанище, больных посещение, немощных покрове и Заступнице, жезле старости, Мати Бога Вышняго Ты еси, Пречистая: потщися, молимся, спастися рабом Твоим.

Кондак, глас 6-й

Не имамы инья помощи, не имамы инья надежды, разве Тебе, Владычице: Ты нам помози, на Тебе надеемся, и Тобою хвалимся: Твой бо есмь раб, да не постыдимся.

Пред иконой Божией Матери «Державная»

2/15 марта.

Тропарь, глас 4-й

Града Сионска взысующе, под Твой покров, Дево Чистая, днесь притекаем, и никтоже возможет на ны, яко несть град силен, аще не Сущаго Бога, и несть ина крепость, аще не милость Владычицы Девы.

Кондак, глас 8-й

Взбранной Воеводе победительныя песни приносим, яко даровася нам держава Твоя, и ничесоже устрашимся, не от мира бо спасение наше, но превознесенная Владычицы милосердием ограждаемся, и тому днесь радуемся, яко прииде Заступница на стражу земли Своея.

Величание

Величаем Тя, Пресвятая Дево, Богоизбранная Отроковице, и чтим Державный образ святыни Твоея, имже подаеши велию милость всем с верою к нему притекающим.

Пред иконой Божией Матери «Живоносный источник»

в пятницу Светлой седмицы.

Тропарь, глас 4-й

Почерпем, человецы, цельбы душам и телесем молитвою: Река бо всем предтечет, Пречистая Царица Богородица, источающи нам чудную воду, и изывающи сердце чёрности, греховныя струпы очищающи, души же освящающи верных Божественною благодатию.

Другой тропарь, глас 4-й

Днесь притецём, вёрнии, к Божественному и цельбоносному образу Пресвятыя Богородицы, излившия капли Своих излианий, и людем вёрным чудеса показавшия, яже мы видяще и слышаще, духовно празднуем, и любезно вопиём: исцели наши недуги и страсти, якоже и каркинския и тмочисленныя страсти исцелила еси. Темже молим Тя, Дево Пречистая: моли воплощенного из Тебе Христа Бога нашего спастися душам нашим.

Кондак, глас 8-й

От неистоимыя Ты Источнице Богоблагодатный, подаеши ми, точащи воды Твоея благодати, приснотекущий паче слова: яко бо Слово рождающая паче смысла, молю Ти ся, ороси мя благодатию, да зову Ти: радуйся, Водо спасительная.

Пред иконой Божией Матери «Знамение»

27 ноября / 10 декабря.

Тропарь, глас 4-й

Яко неборимую стену и источник чудес стяжавше Тя раби Твои, Богородице Пречистая, сопротивных ополчения низлагаем. Темже молим Тя: мир граду Твоему даруй, и душам нашим велию милость.

Кондак, глас 4-й

Честнаго образа Твоего знамение празднующе людие Твои, Богородице, имже дивную победу на сопротивных граду Твоему даровала еси. Темже Тебе верою взываем: радуйся, Дево, христиан похвало.

Пред Иверской иконой Божией Матери

12/25 февраля, 13/26 октября и во вторник Светлой седмицы.

Тропарь, глас 1-й

От святыя иконы Твоея, о Владычице Богородице, исцеления и цельбы подаются обильно, с верою и любовью приходящим к ней: тако и мою немощь посети, и душу мою помилуй, Благая, и тело исцели благодатию Твоею, Пречистая.

Кондак, глас 8-й

Аще и в море ввержена бысть святая икона Твоя, Богородице, от вдовицы, не могущия спасти сию от врагов, но явилася есть Хранительница Афона и Вратарница обители Иверския, враги устрашающая, и в Православней Российской стране чтущия Тя от всех бед и напастей избавляющая.

Пред Казанской иконой Божией Матери**8/21 июля и 22 октября / 4 ноября.****Тропарь, глас 4-й**

Заступнице усёрдная, Мати Господа Вѣшняго, за всех молиши Сына Твоего, Христа Бога нашего, и всем твориши спастися, в державный Твой покров прибегающим. Всех нас заступи, о Госпоже, Царице и Владычице, иже в напастех, и скорбех, и в болезнях, обремененных грехи многими, предстоящих и молящихся Тебе умиленною душею, и сокрушенным сердцем, пред Пречистым Твоим образом со слезами, и невозвратно надежду имущих на Тя, избавления всех зол. Всем полезная даруй, и вся спаси, Богородице Дево: Ты бо еси Божественный покров рабom Твоим.

Кондак, глас 8-й

Притецем, людие, к тихому сему и доброму пристанищу, скорой Помощнице, готовому и теплomu спасению, покрову Девы. Ускорим на молитву, и потщимся на покаяние: источает бо нам неоскудныя милости Пречистая Богородица, предваряет на помощь, и избавляет от великих бед и зол благодатныя и богобоящая рабы Своя.

Покров Пресвятой Богородицы**1/14 октября.****Тропарь, глас 4-й**

Днесь, благовернии людие, светло празднуем, осеняеми Твоим, Богомати, пришествием, и к Твоему взирающе пречистому образу, умильно глаголем: покрый нас честным Твоим Покровом, и избави нас от всякаго зла, молящи Сына Твоего, Христа Бога нашего, спасти души наша.

Кондак, глас 3-й

Дева днесь предстоит в церкви, и с лики святых невидимо за ны молится Богу, Ангели со архиереи покланяются, апостоли же со пророки ликовствуют: нас бо ради молит Богородица Превечнаго Бога.

Величание

Величаем Тя, Пресвятая Дево, и чтим Покров Твой святый, Тя бо виде святый Андрей на воздусе, за ны Христу молящуюся.

Пред Почаевской иконой Божией Матери

23 июля / 1 августа.

Тропарь, глас 5-й

Пред святою Твоею иконою, Владычице, молящиеся исцелений сподобляются, веры истинныя познание приемлют, и агарянская нашествия отражают. Темже и нам, к Тебе припадающим, грехов оставление испроси, помыслы благочестия сердца наша просвети, и к Сыну Твоему молитву вознеси о спасении душ наших.

Кондак, глас 1-й

Источник исцелений и веры православныя утверждение Почаевская Твоя икона, Богородице, явися, темже и нас, к ней притекающих, от бед и искушений свободи, лавру Твою невредиму сохрани, Православие во окрест стоящих странах утверди, и грехи разреши молитвенник Твоих: елика бо хочещи, можещи.

Величание

Величаем Тя, Пресвятая Дево, и почитаем честную икону Твою, юже от лет древних на горе Почаевстей прославила еси.

Пред иконой Божией Матери «Скоропослушница»

9/22 ноября.

Тропарь, глас 4:

К Богородице притецем, сущии в бедах, и ко святей иконе Ея ныне припадём, с верою зовуще из глубины души: скоро наше услыши моление, Дево, яко Скоропослушница нарекаяся. Тебе бо раби Твои в нуждах готовую Помощницу имамы.

Кондак, глас 8:

В мори житейстем обуреваемии, треволению подпадаем страстей и искушений. Подажь убо нам, Госпоже, руку помощи, якоже Петрови Сын Твой, и ускори от бед избавити ны, да зовем Ти: радуйся, всеблагая Скоропослушнице.

Пред Смоленской иконой Божией Матери**28 июля / 10 августа.****Тропарь, глас 4-й**

К Богородице прилѣжно ныне притецѣм, грѣшнии и смиреннии, и припадѣм, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи: Тя бо и едину надежду имамы.

Кондак, глас 6-й

Не имамы инья помощи, не имамы инья надежды, разве Тебе, Владычице: Ты нам помози, на Тебе надеемся, и Тобою хвалимся: Твой бо есмь рабъ, да не постыдимся.

Пред иконой Божией Матери «Утоли моя печали»**25 января / 7 февраля.****Тропарь, глас 5-й**

Утоли болѣзни многовоздыхающия души моя, утолившая всяку слезу от лица земли: Ты бо человеком болѣзни отгониши, и грешных скорби разрушаеши, Тебе бо вси стяжанием надежду и утверждение, Пресвятая Мати Дѣво.

Кондак, глас 6-й

Не вѣри мя человеческому предстательству, Пресвятая Владычице, но прими моление раба Твоего: скорбь бо обдержит мя, терпети не могу дѣмонскаго стреляния, покрова не имам, ниже где прибегну, окаанный, всегда побеждаемь, и утешения не имам, разве Тебе, Владычице мира, упование и предстательство верных: не презри моление мое, полезно сотвори.

Святым угодникам Божиим

Святому благоверному князю Александру Невскому

30 августа / 12 сентября и 23 ноября / 6 декабря.

Тропарь, глас 4-й

Яко благочестиваго корене пречестная отрасль был еси, блаженне Александре: яви бо тя Христос, яко некое божественное сокровище Российстей земли, новаго чудотворца, преславна и богоприятна. И днесь сошедшеся в память твою верою и любовью, во псалмах и пениях, радуящиеся, славим Господа, давшего тебе благодать исцелений, Егоже моли спасти град сей, и стране нашей богоугодней быти, и сыновом Российским спастися.

Другой тропарь, глас 4-й

Познай свою братию, российский Иосифе, не в Египте, но на Небеси царствующий, благоверный княже Александре, и прими моления их, умножая жита людем плодосием земли твоея, грады владычества твоего ограждая молением, и православным христианом на сопротивныя споборствуя.

Кондак, глас 8-й

Яко звезду ты пресветлу почитаем, от востока возсиявшую и на запад пришедшую: всю бо страну сию чудесы и доброюю обогащавши, и просвещавши верою чтущия память твою, Александре блаженне. Сего ради днесь празднуем твое успение, людие твои сущии: моли спасти Отечество твое, и вся притекающия к раце мощей твоих, и верно вопиющия ти: радуйся, граду нашему утверждение.

Другой кондак, глас 4-й

Якоже сродницы твои Борис и Глеб явися тебе с Небес в помощь, подвижающемуся на Велгера Свейскаго и воев его, тако и ты ныне, блаженне Александре, прииди в помощь твоим сродником, и побори борющия ны.

Величание

Величаем тя, святый благоверный княже Александре, и чтим святую память твою, ты бо молиши о нас Христа Бога нашего.

Преподобному Амвросию Оптинскому**10/23 октября и 27 июня / 10 июля.****Тропарь, глас 5-й**

Яко к целёбному истóчнику, притека́ем к тебе́, Амвро́сие о́тче наш, ты́ бо на путь спасéния нас вéрно наставля́еши, моли́твами от бед и напáстей охраня́еши, в телéсных и душе́вных скóрбех утеша́еши, пáче же смире́нию, терпе́нию и любви́ науча́еши: моли́ Человеколю́бца Христа́ и Засту́пницу усéрдную спасти́ся душа́м на́шим.

Кондак, глас 2-й

Завéт Пастыреначальника испóлнив, стáрчества благода́ть насле́довал еси́, болéзную сéрдцем о всех, с вéрою притека́ющих к тебе́. Те́мже и мы, ча́да тво́я, с любви́ю вопи́ем ти: о́тче святы́й Амвро́сие, моли́ Христа́ Бо́га спасти́ся душа́м на́шим.

Величание

Ублажа́ем тя, преподо́бне о́тче Амвро́сие, и чтим святу́ю па́мять твою́, наста́вниче мона́хов, и собесéднике А́нгелов.

Апостолу Андрею Первозванному**30 ноября / 13 декабря.****Тропарь, глас 4-й**

Яко апо́столов первозва́нный, и верхо́внаго сущий брат, Влады́це всех, Андре́е, моли́ся, мир вселéнней дарова́ти, и душа́м на́шим ве́лию ми́лость.

Кондак, глас 2-й

Му́жества тезоименитаго богоглаго́льника, и Цéркве возслéдователя верхо́внаго, Петро́ва сро́дника восхва́лим, занé якоже дрéвле сему́, и ны́не нам воззва́: прииди́те, обрето́хом Желáемаго.

Величание

Велича́ем тя, апо́столе Христо́в Андре́е, и чтим болéзни и труды́ тво́я, и́миже труди́лся еси́ во благовéстии Христо́ве.

Святителям Василию Великому, Григорию Богослову
и Иоанну Златоустому

30 января / 12 февраля.

Тропарь, глас 4-й

Яко апóстолов единокрáвнии, и вселénныя учíteлие, Влады́ку всех моли́те, мир вселénней дарова́ти, и душа́м на́шим ве́лию ми́лость.

Кондак, глас 2-й

Свяще́нныя и боговещáнныя проповéдники, верх учíteлей, Го́споди, прия́л еси́ в наслажде́ние благих Твои́х и упокоéние: труды́ бо óнех и смерть прия́л еси́ па́че всякаго всепло́дия, Еди́не прославля́яй святы́я Твоя́.

Величание

Велича́ем вас, святíteли Христо́вы Васи́лие, Григо́рие и Иоáнне, и чтим святу́ю па́мять ва́шу, вы́ бо мо́лите о нас Христа́ Бо́га на́шего.

Святому равноапостольному князю Владимиру

15/28 июля.

Тропарь, глас 4-й

Уподо́бился еси́ купцу́, и́щущему до́браго би́сера, славнодержáвный Влади́мире, на высотé столá седя́ ма́тере градóв, богоспаса́емаго Кие́ва: испытúя же и посыла́я к Цáрскому граду́ увéдети правосла́вную ве́ру, обре́л еси́ безце́нный би́сер, Христа́, избра́вшаго тя́ яко втора́го Па́вла, и оттря́сшаго слепотú во святéй купели, душе́вную, вку́пе и телéсную: те́мже пра́зднуем твоё успéние лю́дие твои́ сýще. Моли́ спаст́ися держа́вы твоея́ Росси́йския нача́льником и мно́жеству владóмых.

Кондак, глас 8-й

Подóбствовав вели́кому апóстолу Па́влу, в се́динах, всесла́вне Влади́мире, вся,́ яко младе́нческая, мудрова́ния, я́же о и́долах тщи́ания, оста́вль,́ яко муж соверше́нный, украси́лся еси́ божéственнаго крещéния багряни́цею: и ны́не Спа́су Христу́ в весе́лии предсто́я, моли́ спаст́ися держа́вы Росси́йския нача́льником и мно́жеству владóмых.

Величание

Велича́ем тя, святы́й равноапóстольный кня́же Влади́мире, и чтим святу́ю па́мять твою́, и́долы попра́вшаго, и всю Росси́йскую зе́млю святы́м крещéнием просвети́вшаго.

Всем святым:

первое воскресенье после праздника Пятидесятницы

Тропарь, глас 4-й

Иже во всем мире мученик твоих, яко багрянницею и вѣссом, кровью Церковь Твоя украсившись, теми вопиет Ти, Христе Боже: людем Твоим щедроты Твоя низпосли, мир жительству Твоему даруй, и душам нашим велию милость.

Кондак, глас 8-й

Яко начатки естества Насадителю твари, вселенная приносит Ти, Господи, богоносных мученики; тех молитвами в мире глубже Церковь Твою, жительство Твое, Богородицею соблюди, Многомилостиве.

Величание

Величаем вас, апостоли, мученицы, пророцы, и вси святѣи, и чтим святую память вашу, вы бо молитесь о нас Христа Бога нашего.

Всем святым, в земли Российской просиявшим:

второе воскресенье после праздника Пятидесятницы

Тропарь, глас 8-й

Якоже плод красный Твоего спасительного сеяния, земля Россійская приносит Ти, Господи, вся святѣя, в той просиявшия. Тех молитвами в мире глубже Церковь и страну нашу Богородицею соблюди, Многомилостиве.

Другой тропарь, глас 4-й:

Иерусалима вышняго гражданы, от земли нашея возсиявшия, и Богу во всяцем чину и всяким подвигом угодившия, приидите воспойм, вернии: о всеблаженнии земли Россійския заступницы, молитесь ко Господу, да помилует сию от гнева Своего, исцеляя сокрушение ея, и верных люди Своя утешит.

Кондак, глас 3-й

Днесь лик святых, в земли нашей Богу угодивших, предстоит в Церкви и невидимо за ны молится Богу; Ангели с ним славословят, и вси святѣи Церкви Христовы ему спразднуют: о нас бо молят вси купно Превечнаго Бога.

Величание

Ублажаем вас, чудотворцы наши славнии, землю Русскую добродетельми вашими озарившии, и образ спасения нам светоявлено показавшии.

Великомученику Георгию Победоносцу

23 апреля / 6 мая.

Тропарь, глас 4-й

Яко плённых свободитель, и нищих защититель, немощствующих врач, православных поборник, победоносче великомучениче Георгие, моли Христа Бога спастися душам нашим.

Кондак, глас 4-й

Возделан от Бога, показался еси благочестия делатель честнейший, добродетелей рукояти собрав себе: сеяв бо в слезах, веселием жнѣши, страдальчествовав же кровию, Христа приял еси, и молитвами, святе, твоими всем подаеши прегрешений прощение.

Величание

Величаем тя, страсотерпче святый, великомучениче Георгие, и чтим честная страдания твоя, яже за Христа претерпел еси.

Пророку Божию Илии

20 июля / 2 августа.

Тропарь, глас 4-й

Во плоти Ангел, пророков основание, второй предтеча пришествия Христова, Илия славный, свѣше пославый Елиссееви благодать недуги отгоняти и прокаженные очищать: темже и почитающим его точит исцеления.

Кондак, глас 2-й

Пророче и провидче великих дел Бога нашего, Илие великоимените, вещанием твоим уставивый водоточные облаки, моли о нас единого Человеколюбца.

Величание

Величаем тя, святый славный пророче Божий Илие, и чтим еже на Небеса на колеснице огненной преславное восхождение твое.

Апостолу и евангелисту Иоанну Богослову

26 сентября / 9 октября и 8/21 мая.

Тропарь, глас 2-й

Апостоле Христу Богу возлюбленне, ускори избавити люди безответны: приемлет тя припадающа Иже падша на перси Приемый. Егоже моли, Богослове, и надлежащую мглу языков разгнати, прося нам мира и велия милости.

Кондак, глас 2-й

Величия твоя, девственнице, кто повесть? Точиши бо чудеса, и изливаеши исцеления, и молишися о душах наших, яко Богослов и друг Христов.

Величание

Величаем тя, апостоле Христов и евангелисте Иоанне Богослове, и чтим болезни и труды твоя, имиже трудился еси во благовестии Христова.

Святому пророку, Предтече и Крестителю Господню Иоанну**Рождество Иоанна Предтечи**

24 июня / 7 июля.

Тропарь, глас 4-й

Пророче и Предтече пришествия Христова, достойно восхвалити тя недоумеем мы, любовью чтущии тя: неплодство бо рождшия и отчее безгласие разрешился славным и честным твоим рождеством, и воплощение Сына Божия миру проповедуется.

Кондак, глас 3-й

Прежде плоды днесь Христова Предтечу раждает, и той есть исполнение всякаго пророчества: Егоже бо пророчи проповедаша, на Сего во Иордане руку положив, явися Божия Слова пророк, проповедник, вкупе и Предтеча.

Величание

Величаем тя, Предтече Спасов Иоанне, и чтим еже от неплодове преславное рождество твое.

Усекновение главы Иоанна Предтечи

29 августа / 11 сентября.

Тропарь, глас 2-й

Память праведнаго с похвалами, тебе же довлеет свидетельство Господне, Предтече: показал бо ся еси воистинну и пророков честнейший, яко и в струях крестити сподобился еси Проповеданнаго. Темже за истину пострадав радуясь, благовестил еси и сущим во аде Бога, являшагося плотию, вземлющаго грех мира, и подающаго нам велию милость.

Кондак, глас 5-й

Предтечево славное усекновение смотрение бысть некое Божественное: да и сущим во аде Спасово проповестъ пришествие. Да рыдает убо Иродия, беззаконное убийство испросивши: не закон бо Божий, ни живый век возлюбь, но притворный, привременный.

Величание

Величаем тя, Крестителю Спасов Иоанне, и почитаем вси честныя твоя главы усекновение.

Святому праведному Иоанну Кронштадтскому

20 декабря / 2 января.

Тропарь, глас 1-й

Православныя веры поборниче, земли Российския печальниче, пастырем правило и образе верным, покаяния и жизни во Христе проповедниче, Божественных Таин благоговейный служителю, и дерзновенный о людех молитвенниче, отче праведный Иоанне, целителю и предивный чудотворче, граду Кронштадту похвало, и Церкви нашея украшение: моли всеблагаго Бога умирить мир, и спасти души наша.

Кондак, глас 3-й

Днесь пастырь Кронштадтский предстоит Престолу Божию, и усердно молит о верных Христа Пастыреначальника, обетование давшаго: созижду Церковь Мою, и врата ада не одолеют ей.

Величание

Величаем тя, святыи праведный отче Иоанне, и чтим святую память твою, ты бо молиши о нас Христа Бога нашего.

Святым равноапостольным Константину и Елене

21 мая / 3 июня.

Тропарь, глас 8-й

Креста Твоего образ на небеси видев, и якоже Павел, звание не от человек прием, в царех апостол Твой, Господи, Царствующий град в руце Твоей положи, егоже спасай всегда в мире, молитвами Богородицы, едины Человеколубче.

Кондак, глас 3-й

Константи́н днесь с ма́терию Еле́ною Крест явля́ют, всечестно́е Дре́во, всех у́бо иудеев посрамле́ние сущ́е, ору́жие же на проти́вныя ве́рных люде́й: нас бо ра́ди яви́ся зна́мение ве́лие, и во бранéх грóзное.

Величание

Велича́ем вас, святи́и благове́рнии и равноапóстольнии ца́рие Константи́не и Еле́но, и чтим святу́ю па́мять ва́шу, вы́ бо святы́м Крестомъ всю вселéнную просвети́ли естé.

Святой блаженной Ксении Петербургской

24 января / 6 февраля.

Тропарь, глас 7-й

Нищету́ Христо́ву возлюбивши, безсме́ртныя трапéзы нб́не наслажда́ешься, безумиемъ мн́имымъ безумие м́ира обличивши, смире́ниемъ крестнымъ си́лу Бо́жию восприя́ла еси́, сегó ра́ди дар чудодéйственныя по́мощи стяжа́вшая, Ксэ́ние блаже́нная, моли́ Христа́ Бо́га изба́виться нам от всякаго зла покая́нием.

Кондак, глас 3-й

Днесь свéтло лику́ет градъ свята́го Петра́, я́ко мно́жество скорбя́щихъ обрета́ютъ утешéние, на тво́я моли́твы наде́ющиеся, Ксэ́ние всеблаже́нная, ты́ бо еси́ граду́ сему́ похвалá и утвержде́ние.

Величание

Велича́ем тя, свята́я блаже́нная ма́ти Ксэ́ние, и чтим святу́ю па́мять твою́, ты́ бо мо́лиши о нас Христа́ Бо́га на́шего.

**Святым равноапостольным Мефодию и Кириллу,
первоучителям Словенским**

11/24 мая.

Тропарь, глас 4-й

Я́ко апóстоломъ единопра́внии, и словéнскихъ странъ учите́лие, Кири́лле и Мефо́дие богому́дрии, Влады́ку всех моли́те, вся язы́ки словéнския утверди́ти в Правосла́вии и единомы́слии, умири́ти мир, и спасти́ ду́ши на́ша.

Кондак, глас 3-й

Священную двоицу просветителей наших почтѣм, Божественных писаний преложением источник Богопознания нам источивших, из негоже даже до днесь неоскудно почерпающе, ублажаем вас, Кирилле и Мефодие, Престолу Вышняго предстоящих, и тепле молящихся о душах наших.

Величание

Величаем вас, святѣи равноапостольнии Мефодие и Кирилле, вся словенския страны учеными своими просветившия, и ко Христу приведшия.

Собор Архистратига Михаила и прочих Небесных Сил бесплотных

8/21 ноября.

Тропарь, глас 4-й

Небесных воинств Архистратѣизи, молим вас присно мы недостойнии, да вашими молитвами оградите нас кровом крил невестественных ваша славы, сохраняюще ны припадающия прилежно, и вопиющия: от бед избавите ны, яко чиноначальницы Вышних Сил.

Кондак, глас 2-й

Архистратѣизи Божии, служителие Божественных славы, Ангелов начальницы, и человеков наставницы, полезное нам просите, и велию милость, яко Безплотных Архистратѣизи.

Величание

Величаем вас, Архангели и Ангели, и вся Воинства, Херувими и Серафими, славящия Господа.

Другое величание

Величаем вас, Архангели, Ангели, Начала, Власти, Престоли, Господствия, Силы и Херувими, страшныя Серафими, прославляющия Господа.

Воспоминание чуда Архистратига Михаила в Хонех

6/19 сентября.

Тропарь, глас 4-й

Небесных воинств Архистратѣже, молим тя присно мы недостойнии, да твоими молитвами оградѣши нас кровом крил невестественных твоея славы, сохраняя нас припадающих прилежно, и вопиющих: от бед избави нас, яко чиноначальник Вышних Сил.

Кондак, глас 2-й

Архистратіже Божій, служітелю Божественныя славы, Ангелов начальниче, и человеков наставниче, полезное нам проси, и велию милость, яко Безплотных Архистратіг.

Святителю Николаю, архиепископу Мир Ликийских

6/19 декабря и 9/22 мая.

Тропарь, глас 4-й

Правило веры и образ кротости, воздержания учителя, яви ты стаду твоему Яже вещей Истина; сего ради стяжал еси смирением высокая, нищетой богатая, отче священноначальниче Николае, моли Христа Бога спастися душам нашим.

Кондак, глас 3-й

В Мирех, святе, священнодействитель показался еси: Христово бо, преподобне, евангелие исполнив, положил еси душу твою о людех твоих, и спас еси неповинныя от смерти, сего ради освятился еси, яко великий тайнник Божия благодати.

Молитва

О всесвятый Николае, угодниче преизрядный Господень, теплый наш заступниче, и везде в скорбех скорый помощниче! Помози мне, грешному и унылому, в настоящем сем житии, умоли Господа Бога даровати ми оставление всех моих грехов, елико согреших от юности моея, во всем житии моем, делом, словом, помышлением и всеми моими чувствы; и во исходе души моея помози ми окаянному, умоли Господа Бога, всея твари Содетеля, избавити мя воздушных мытарств и вечного мучения, да всегда прославляю Отца, и Сына, и Святаго Духа, и твое милостивное предстательство, ныне и присно, и во веки веков. **Аминь.**

Величание

Величаем тя, святителю отче наш Николае, и чтим святую память твою, ты бо молиши о нас Христа Бога нашего.

Святым царственным страстотерпцам

4/17 июля.

Тропарь, глас 4-й

Днесь, благовернии людие, светло почтѣм седмерицу честную царственных страстотерпец, Христоу едину домашнюю Церковь: Николая и Александра, Алексія, Ольгу, Татиану, Марию и Анастасію. Тии бо уз и страданий многоразличных не убоившися, от богоборных смерть и поругание телес прияша, и дерзновение ко Господу в молитве улучиша. Сего ради к ним с любовью возопиим: о святїи страстотерпцы, гласу покаяния и стенанию народа нашего вонмите, землю Российскую в любви к Православию утвердите, от междоусобных брани сохраните, мир миру у Бога испросите, и душам нашим велию милость.

Кондак, глас 8-й

Избраннии Царем царствующих и Господем господствующих от рода царей Российских, благовернии мученицы, муки душевныя и смерть телесную за Христа приимиши, и венцы Небесными увенчавшиися, к вам яко покровителем нашим милостивым с любовью благодарне вопием: радуйтесь, царственной страстотерпцы, за Русь Святую пред Богом усерднии молитвенницы.

Величание

Величаем вас, святїи царственной страстотерпцы, и чтим честная страдания ваша, яже за Христа претерпели есте.

Собору новомучеников и исповедников Российских

25 января / 7 февраля, если воскресенье,
или в ближайшее воскресенье после 25 января.

Тропарь, глас 4-й

Днесь радостно ликует Церковь Русская, прославляющи новомученики и исповедники своя: святители и иереи, царственные страстотерпцы, благоверныя князи и княгини, преподобныя мужи и жены, и вся православныя христианы, во дни гонения безбожнаго жизнь свою за веру во Христа положившия, и кровью истину соблюдшия. Тех предстательством, долготерпеливе Господи, страну нашу в Православии сохрани до скончания века.

Кондак, глас 3-й

Днесь новомученицы Россійстии в рíзах бѣлыхъ предстоятъ А́гнцу Бóжию, и со А́нгелы песнь побѣдную воспева́ютъ Бóгу: благословѣние, и слава, и премудрость, и хвалá, и честь, и сѣла, и крѣпость нашему Бóгу во вѣки веко́в. Ами́нь.

Молитва

О святѣи новомученицы и исповѣдницы Россійстии: святителие и пáстырие Цѣркве Христóвы, цáрственнии страстотѣрпцы, благовѣрнии князие и княгини, дóблии во́ини, мона́си и мирстѣи, благочестѣвии мýжие и жены́, во вся́цемъ вóзрасте и сослóвии за Христá пострада́вшии, вѣрность Емý да́же до смѣрти свидѣтельствовавшии, и венѣцъ жízни от Него́ приѣмшии! Вы во дни гонѣния лю́таго, зѣмлю на́шу от безбóжныхъ постѣгшаго, на судѣищахъ, в заточѣннихъ, и про́пастехъ земныхъ, в гóрькихъ рабóтахъ, и всякихъ скóрбныхъ обстояннихъ, образъ терпѣния и непостѣднаго уповáния мýжественне явѣли естѣ. Ны́не же в рай сла́дости наслажда́ющесе, предъ Престо́ломъ Бóжиимъ во сла́ве предстаите́, и прѣсно хвалу́ и ходáтайство со А́нгелы и все́ми святѣими Трѣди́ному Бóгу возно́сите. Сего́ ра́ди мы недóстойнии мо́лимъ васъ, святѣи срóдницы на́ши: не забóдите земна́го Отѣчества ва́шего, грехомъ Ка́инова братоубѣйства, поругáниемъ святѣи́нь, безбóжиемъ, и на́шими беззакóнии отягчѣннаго. Умо́лите Господа Силъ, да утверди́тъ Цѣрковь свою́ непоколебѣму в мѣре семъ многмятѣжнемъ и лука́вомъ; да возроди́тъ в землѣ на́шей духъ разума и благочестия, духъ святости и страха Божия, духъ братолóбиа и мѣра; да па́ки бóдемъ мы цáрское свящѣние, родъ Бóжий, избранны́й и святѣй, прѣсно с ва́ми сла́влящѣй Отца́, и Сы́на, и Свята́го Дýха, во вѣки веко́в. Ами́нь.

Величание

Велича́емъ васъ, святѣи новомученицы и исповѣдницы Россійстии, и чтимъ честна́я страда́ния ва́ша, яже за Христá претерпѣли естѣ.

Священномученику Россійскому, архиерею или иерею

Тропарь, глас 3-й

Цѣркве Рýсская стóлпе непоколебѣмый, благочѣстия пра́вило, житѣя ева́нгельскаго о́бразе, священномучениче (*имя*), Христá ра́ди пострада́вый да́же до кро́ве, Егóже моли́ усѣрдно́ яко Нача́льника и Соверши́теля спасѣния, Русь Святу́ю утверди́ти в Правосла́вии до скончáния вѣка.

Кондак, глас 2-й

Восхва́лим, ве́рнии, изря́днаго во святите́лех (*или*: священни́цах), и сла́внаго в му́ченицех (*имя*), Правосла́вия поборо́ника и благоче́стия ревни́теля, земли́ Ру́сская красное прозябе́ние: и́же страда́нием Небесе́ дости́же, и та́мо те́пле мо́лит Христа́ Бо́га спасти́ся душа́м на́шим.

Молитва

О избра́нниче и уго́дниче Христо́в, священномучени́че (*имя*), Це́ркве Ру́сская сто́лпе непоколеби́мый, земли́ на́шея благо́е прозябе́ние и краси́ый плод, сродни́ков твои́х предста́телю и наста́вниче! Ты во вре́мя гоне́ния безбо́жнаго, от сокрови́щницы души́ твоея́ спаси́тельное испове́дание Правосла́вныя ве́ры изне́сл еси́, и лю́дем ве́рным па́стырь до́брый яви́лся еси́, ду́шу твою́ за Христа́ и Его́ о́вцы полага́я, и лю́тыя во́лки далече отгоня́я. Ны́не у́бо при́зри на нас, недосто́йных чад твои́х, умиле́нною душе́ю и сокруше́нным се́рдцем тя призыва́ющих. Умоли́ Го́спода Бо́га, да прости́т согреше́ния на́ша, и изба́вит от а́довых уз и ве́чнаго муче́ния. Утверди́ нас в ве́ре святе́й, научи́ нас всегда́ твори́ти во́лю Бо́жию и храни́ти за́поведи церко́вныя. Буди́ па́стырем на́шим пра́вило ве́ры, вои́ном вождь духо́вный, боля́щим врач изря́дный, печа́льным утешитель, гони́мым засту́пник, ю́ным наста́вник, всем же благосе́рдый оте́ц и те́плый моли́твеник: я́ко да моли́твами твои́ми соблюде́тся в Правосла́вии Свята́я Русь, и непреста́нно сла́вится в ней и́мя Пресвяты́я Тро́ицы, Отца́ и Сы́на и Свята́го Ду́ха, во ве́ки веко́в. Ами́нь.

Величание

Велича́ем тя, святы́й священномучени́че (*имя*), и чтим честна́я страда́ния тво́я, я́же за Христа́ во утвержде́ние на Руси́ Правосла́вия претерпе́л еси́.

Святой равноапостольной княгине Ольге

11/24 июля.

Тропарь, глас 1-й

Кри́лами богоразу́мия вперивши твой ум, возлете́ла еси́ превы́ше ви́димыя тва́ри; взыска́вши Бо́га и Творца́ всяческих, и Того́ обрети́ши, па́ки рождéние креще́нием прия́ла еси́; дре́ва живото́наго наслажда́ющихся, нетле́нна во ве́ки пребыва́еши, О́льго присносла́вная.

Кондак, глас 4-й

Воспоём днесь Благоде́теля всех Бо́га, просла́вльшаго в Росси́и О́льгу богому́дную, да моли́твами ея́ пода́ст душа́м на́шим грехо́в оставле́ние.

Величание

Велича́ем тя, блаже́нная и равноапо́стольная княги́не О́льго, и чтим свя-
ту́ю па́мять твою́, идо́лы попра́вшую, и мно́гия лю́ди Росси́йския святы́м
Креще́нием просвети́вшую.

Великомученику и целителю Пантелеимону

27 июля / 9 августа.

Тропарь, глас 3-й

Страстоте́рпче святы́й и целе́бниче Пантелеи́моне, моли́ Ми́лостиваго
Бо́га, да прегреше́ний оставле́ние пода́ст душáм нáшим.

Кондак, глас 5-й

Подража́тель сый Ми́лостиваго, и исцелéний благода́ть от Него́ приём,
страстоте́рпче и мучени́че Христа́ Бо́га, моли́твами твои́ми душе́вныя нáша
недúги исцели́, отгоня́ прýсно борца́ собла́зны от вопию́щих ве́рно: спаси́ ны,
Господи́.

Молитва

О вели́кий уго́дниче Христóв, страстоте́рпче и врачу́ многомíлостивый
Пантелеи́моне! Умилосéрдися надо мно́ю, грéшным рабо́м, услýши стенáние
и вопль мой, умилости́ви Небéснаго Верхóвнаго Врача́ душ и телéс нáших,
Христа́ Бо́га нáшего, да дáрует ми исцелéние от недúга, мя гнетúщаго.
Приими́ недостóйное молéние грéшнейшаго пáче всех человек, посети́ мя бла-
годáтным посещéнием; не возгнуша́йся грехóвных язв мо́их, пома́жи их е́леем
мíлости твоея́, и исцели́ мя: да здрав сый душе́ю и тéлом, оста́ток дней мо́их,
благода́тию Бóжиею, возмо́гу провести́ в покая́нии и угождéнии Бóгу,
и сподóблюся восприя́ти благый конéц жити́я моего́. Ей, уго́дниче Бóжий!
Умоли́ Христа́ Бо́га, да предста́тельством твои́м дáрует здравие тéлу моему́,
и спасéние души́ мое́й. **Ами́нь.**

Величание

Велича́ем тя, страстоте́рпче святы́й и целе́бниче Пантелеи́моне, и чтим
честна́я страда́ния тво́я, яже за Христа́ претерпéл еси́.

Святым первоверховным апостолам Петру и Павлу

29 июня / 12 июля.

Тропарь, глас 4-й

Апо́столов первопресто́льницы, и вселéнныя учи́телие, Влады́ку всех
моли́те, мир вселéнней дарова́ти, и душáм нáшим ве́лию мíлость.

Кондак, глас 2-й

Твёрдыя и боговещанныя проповедатели, верх апостолов Твоих, Господи, приял еси в наслаждение благих Твоих и покой: болезни бо оных и смерть приял еси паче всякаго всеплодия, Еди́не сведый сердечная.

Величание

Величаем вас, апостоли Христо́вы Петре и Пáвле, весь мир учёными своими просветившия, и вся концы́ ко Христу́ приведшия.

Святителям Московским Петру, Алексею, Ионе, Макарию, Филиппу, Иову, Ермогену, Тихону, Петру, Филарету, Иннокентию и Макарию

5/18 октября.

Тропарь, глас 4-й

Первопрестольницы Россiйстии, истиннии хранителие апостольских преданий, столпы непоколебимии, Православия наставницы, святители Москóвстии, Влады́ку всех молите, мир вселенней даровати, и душам нашим велию милость.

Кондак, глас 3-й

Во святителях благочестно поживите, и люди к богоразумию наставите, и добре Бо́гу угодите, сего́ ради от Него́ нетлением и чудесы́ прославистесь, яко ученицы́ Божия благодати.

Величание

Величаем вас, святители Москóвстии, и чтим святу́ю память ва́шу, вы́ бо молите о нас Христа́ Бо́га нашего.

Преподобному Серафиму Саровскому

2/15 января и 19 июля / 1 августа.

Тропарь, глас 4-й

От юности Христа́ возлюбил еси́, блаженне, и Тому́ Еди́ному работати пламенно вожделев, непрестанною моли́твою и трудо́м в пусты́ни подви́зался еси́, умилённым же сердцем любовь Христо́ву стяжав, избранник возлюблен Божия Матере явился еси́. Сего́ ради вопием ти: спасай нас молитвами твоими, Серафиме, преподобне отче наш.

Кондак, глас 2-й

Міра красоту и яже в нем тлѣнная оставив, преподобне, в Саровскую обитель вселился еси, и тамо ангельски пожив, многим путь был еси ко спасению: сего ради и Христос тебе, отче Серафиме, прослави, и даром исцелений и чудес обогати. Темже вопиём ти: радуйся, Серафиме, преподобне отче наш.

Молитва

О пречудный отче Серафиме, великий Саровский чудотворче, всем прибегающим к тебе скоропослушный помощник! Во дни земного жития твоего никтоже от тебе тощ и неутешен отиде, но всем в сладость бысть видение лица твоего и благоуветливый глас словес твоих. К сим же и дар исцелений, дар прозрения, дар немощных душ врачевания обилен в тебе явися. Егда же призвалъ ты Бог от земных трудов к Небесному упокоению, николиже любви твоя престала от нас, и невозможно есть исчислити чудеса твоя, умножившаяся яко звезды небесныя: се бо по всем концем земли наша людем Божиим являешия и даруеши им исцеления. Темже и мы вопиём ти: о претихий и краткий угодник Божий, дерзновенный к Немю молитвенник, николиже призывающия тя отревай! Вознеси о нас благомошную твою молитву ко Господу Сил, да дарует нам вся благопотребная в жизни сей, и вся к душевному спасению полезная, да оградит нас от падений греховных, и истинному покаянию да научит нас, во еже безпреткновенно внити нам в вечное Небесное Царство, идеже ты ныне в незаходимей сияеши славе, и тамо воспевати со всеми святыми Живоначальную Троицу во веки веков. Аминь.

Величание

Ублажаем тя, преподобне отче наш Серафиме, и чтим святую память твою, наставник монахов, и собеседник Ангелов.

Преподобному Сергию Радонежскому

5/18 июля и 25 сентября / 8 октября.

Тропарь, глас 4-й

Иже добродетелей подвижник, яко истинный воин Христа Бога, на страсти вельми подвижался еси в жизни временней, в пениих, бдениих же, и пощениих образ быв твоим учеником: темже и вселися в тя Пресвятыи Дух, Егоже действием светло украшен еси; но яко имея дерзновение ко Святей Троице, поминай стадо, еже собрал еси, мудре, и не забуди, якоже обещался еси, посещая чад твоих, Сергие, преподобне отче наш.

Кондак, глас 8-й

Христовою любовью уязвись, преподобне, и Тому невозвратным желанием последовав, всякое наслаждение плотское возненавидел еси, и яко солнце, Отечеству твоему возсиял еси: тем и Христос даром чудес обогатил тя. Поминай нас, чтущих пресветлую память твою, да зовем ти: радуйся, Сергие богомудре.

Молитва

О священная главо, преподобне и богоносне отче наш Сергие, молитвою твоею, и верою, и любовью яже к Богу, и чистотою сердца, еще на земли во обитель Пресвятыя Троицы душу твою устроивый, и ангельскаго общения, и Пресвятыя Богородицы посещения сподобивыйся, и дар чудодейственных благодати приемый, по отшествии же твоём от земных наипаче к Богу приближивыйся, и Небесныя силы приобщивыйся, но и от нас духом любви твоея не отступивый, и честныя твоя мощи яко сосуд благодати полный и преизливающийся нам оставивый! Велие имея дерзновение ко Всемилостивому Владыце, моли спасти рабы Его, сущей в тебе благодати Его верующия, и к тебе с любовью притекающия. Испроси нам от Великодаровитаго Бога нашего всякий дар, всем и коемуждо благопотребен, веры непорочны соблюдение, градов наших утверждение, мира умирение, от глады и пагубы избавление, от нашествия иноплемённых сохранение, скорбящим утешение, недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в делах благих преспеяние и благословение, младенцем воспитание, юным наставление, неведущим вразумление, сиротам и вдовицам заступление, отходящим от сего временнаго жития к вечному благоуготовление и напутствие, отшедшим блаженное упокоение, и вся ны споспешествующими твоими молитвами сподоби в день Страшнаго Суда шуйи части избавитися, десныя же страны общники быти, и блаженный оный глас Владыки Христа услышати: приидите, благословеннии Отца Моего, наследуйте уготованное вам Царствие от сложения мира. **Аминь.**

Величание

Ублажаем тя, преподобне отче наш Сергие, и чтим святую память твою, наставниче монахов, и собеседниче Ангелов.